



Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

Inatsisartunut ilaasortaq Olga P. Berthelsen
Kalaallit Nunaanni Inatsisartut

§ 36, imm. 1 naapertorlugu apeqqut nr. 2008-90: Tuapannguani sanaartukkat

Asasara Olga P. Berthelsen

Aallarniutigalugu apeqqutitit pillugit qutsavigaakkit, taamaalillunga suliap ingerlanera pillugu paasissutissiinissamut periarfissinneqarama.

Apeqqut 1. Maannamut Tuapannguani najugaqarsimasut, isaterinerullu kingorna inissianut allanut nuutsinneqarsimasut qassit, inissiarsuit nappaqqinneqarnerini Tuapannguanut uteqqittussanngorpat?

Akissut: Napasuliaasap 1-imut, 30-nik inissiartaqartumut Blok S-imi najugaqartuusimasut qulit aamma Q-mi R-imi najugaqartut marluk nuuttussaapput. Najugaqartussanngortussat sinneruttut 18-iusut Namminersornerullutik Oqartussat attartortitaannit allanit nuuttussaapput.

Allakkat napasuliaasanut 2-mut, 3-mut aamma 4-mut tunngasut Tuapannguani najugaqartuusimasunut agguanneqaleruttorput. Taakku akissuteqarnissaminut novembarip qiteqqunnissaanut periarfissinneqarput.

Apeqqut 2. Inissiarsuit nappaqqinneqarlutik naammassilernerini, kvadratmeterimut akia qanoq annertutigiva?

Akissut: Suliffeqarfiup Permagreen A/S-ip suliassanik tamanik isumaginninnissaanut isumaqatigiissusiorfigineqarnerani katillugit 38.016.357 koruunit akigitinneqartussatut isumaqatigiissutigineqarput, m²-imut 14.644 koruuninik naleqarluni.. Taakku saniatigut illunik pioreersunik isaterinermut, sanatitsisup nakkutillisoqartitsineranut, sanaartornermi ernianut kiisalu sanaartornermi aningaasartuutissanut siumut naliliinermut aningaasartuuteqartoqassaaq. Napasuliaasap siulliup m²-mut 17.300 koruunit inorlugit akeqarnisaa naatsorsuutigineqarpoq.

Tamatumunnga atatillugu ilisimatitsissutigineqassaaq, sanaartornermut aningaasartuutissanut siumut naliliineq 2007-imi 7,2%-imik qaffariarsimammat. Napasuliaasap kingulliup, 2011-mi tunniunneqartussap m²-mut 22.950 koruuninik

14.10.2008

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

akeqarnissaa naatsorsuutigineqarpoq. Akinik siumut naliliinermi maannamut ineriartornerusooq atorneqarpoq.

Apeqqu 3. Radiop Qaqqaaani inissarsuit nutarterneqarlutik aallartinneqassappata, inissianik attartortut sumut allamut inissinneqassanersut, siusinaarluni misissorneqareerpa?

Akissut: Ukiut marluk kingullit ingerlanerini Qapiarfiusaami inissiani ilaannakortumik misiligutaasumik iluarsaassisoqartarsimavoq, tassani inissiat majuartarfikkaarlugit iluarsanneqarlutik. Taamaalilluni attartortut ataatsikkut amerlasuut inisseqqinnissaat pinngitsoorneqarpoq. Naalackersuisunit suliasat taamaattut ajornatorsiorfiulernissaat pinngitsoorniarlugu piffissaalluarallartillugu pilersaarusioneqartussaammata eqqumaffigineqarpoq.

Apeqqu 4. Siunissaq ungasinnerulaartoq eqqarsaatigalugu, Nuummi inissianik sumiittuni isaterinissamik pilersaaruteqarpisi?

Akissut: Tunngaviatigut illuutit tamarmik aningaasaqarneq tamakkiisoq eqqarsaatigalugu misissorneqartussaapput. Taakkununga pissutsit allat, soorlu najugaqarfii akulikissusiat, najukkani inissaaleqineq, illuutit ataatsimut ilusaat, inissiat iserfigiuminassusiat (innarluutilinnut naleqquttuunerat), inissiat illuutillu teknikkikkut atortui il.il. ilaatinneqassapput.

Misissuigallarnerni kisitsisit takutippaat, pisuni arlalissuarni ataatsimut isigalugu illuutit isaterlugit inissianik nutaanik sanaartornissaq pitsaanerusoq. Paarlattuanik assersuutigalugu Nanortalimmi, Sisimiuni, Ilulissani Tasiilamilu iluatsitsiviusumik iluarsaassisoqarsimavoq. Assersuutigalugu Nuummi Fiskerby-mi inissiat oqqat 40-t missaanniittut isaterneqarlutik inissianik nutaanik 80-inik sanasoqarpoq. Qaqortumi, Narsami, Paamiuni, Nuummi Maniitsumilu illutoqqanik isaterinissaq pilersaarutigineqarpoq.

Apeqqu 5. Inissarsuarnik isateraluni nappaqqisarnarup, kingunerisaanik nalinginnaasumik inissianik attartorniartunut, utaqqisarneq qanoq sivisutigilerpa?

Akissut: Tamanna qanorpiaq inissianut nalinginnaasunut utaqqisut allattorsimaffiannut sunniuteqarnerusooq naatsorsussallugu ajornarsimavoq. Inissianulli utaqqisarnarup sivisunerulerneranik tamanna nassataqarsimassasoq qularutigineqanngilaq. Paarlattuanik 210-nik sanaartornerit nutaat utaqqisut allattorsimaffiannut iluaqutaasussaavoq.

Ilassutigalugu ilisimatitsissutigisinnaavara, siunissami isaterisarnerni inissiat oqqanut isaterneqartunut taartissatut sanaartortarnissaq Naalackersuisunit anguniarneqartassamat. Taamaalilluni illuutini isaterneqartussatut pilersaarutigineqartuni najugaqartut isumagineqarsinnaasassapput.

Naggasiutigalugu ilisimatitsissutigissavara, siunissami isaterisarnissat illoqarfinnilu nutarterisarnissat suliarineqartarnerit kommunit ataasiakkaat qanittumik

suleqatigalugit pisartussaammata. Tassalu allaffeqarfinniit oktobarip ulluisa tallimaanni Nuup Kommuneata aamma Kommuneqarfik Sermersuup inissiat pillugit ulloqartitsineranni peqataasoqarpoq.

Ikinngutinersumik inuulluaqqusillunga

Kim Kielsen